



Pripadnici SIPA uhapsili braću  
**Nihada i Ismara Kaljića**

# Nabavili oružje za ubistvo u Holandiji!

**PRETRESNI  
OBJEKTI  
NA DVIJE  
LOKACIJE**

**Dosije:  
Policiji su  
poznati odranije  
zbog dovođenja  
u vezu s  
neovlaštenom  
trgovinom  
drogom na  
međunarodnom  
nivou**

**Dragan SLADOJEVIĆ**

ZENICA, GRADIŠKA - Braća Nihad (39) i Ismar Kaljić (31) uhapšeni su juče ujutru zbog sumnje da su nabavili oružje i dostavili ga na mjesto ubistva počinjenog u Holandiji.

Uhapsili su ih pripadnici Državne agencije za istrage i za-

štitu (SIPA) na području Zenice, odnosno Gradiške, u sklopu akcije tokom koje su pretresli objekte na dvije lokacije.

Cilj tih pretresa je pronalazak i privremeno oduzimanje predmeta koji mogu da posluže kao dokaz u daljem postupku.

"Ta dva lica dovode u vezu s ubistvom na način da su nabavili oružje za izvršenje ovog krivičnog djela i dostavili ga na mjesto izvršenja, a odranije su poznati policijskim organima zbog dovođenja u vezu sa neovlaštenom trgovinom drogom na međunarodnom nivou", naglasili su iz SIPA.

Inače, ovo hapšenje je sprovedeno po naredbama Suda BiH i Tužilaštva BiH, precizirali su iz SIPA, iz koje, budući da se istraga još sprovodi, nisu mogli dati više detalja o ovom slučaju.

"Radi se o opsežnoj istrazi

koja se vodi u Holandiji, a odnosi se na međunarodni organizovani kriminal i krijumčarenje droge u okviru kojih je počinjeno i ubistvo jedne osobe", naveli su iz Tužilaštva BiH.

Kako dodaju, s obzirom na to da su istražioci iz Holandije došli do saznanja da se osobe uključene u ova krivična djela nalaze na području BiH, zatra-



**ISTRAGA**

**Istražioc iz Holandije  
došli do saznanja da  
se te osobe nalaze  
na području BiH**

žena je pomoć Tužilaštva BiH u njihovom lociranju, privođenju i ispitivanju.

Inače, prilikom rada na ovom predmetu ostvarena je saradnja i sa pripadnicima Obavještajno-bezbjednosne agencije (OBA).

"Osobe lišene slobode bit će privedene u službene prostorije SIPA, gdje će nad njima biti izvršena kriminalistička obrada, nakon čega će oni biti predati Tužilaštvu BiH na dalje postupanje", saopštila je Kristina Jozić, vršilac dužnosti portparola SIPA.

Iz Tužilaštva su naveli da će pružiti svu potrebnu pomoć u rasvjetljavanju navedenih krivičnih djela.

"Sprovedene aktivnosti rezultat su višemesečne koordinirane saradnje koja će se nastaviti", napomenuli su iz Tužilaštva BiH.

